

ligendte / die anderē auff einer vnebene vnd in der höhe / ander aber ein ansähen
 habendte als wan sie auff andere berg gsetzt wärindte / so schlecht ein weiser bergk
 man nicht ein / auff ein ebē feldte / auch nicht zu oberst auff dē bergen / er sähe dan
 augenscheinlich das die gāng zu tag auß streichen / oder das artz sampt anderen
 dingen die man auß der erden hauwet / von sich selbs an tag her auß breche . Dis
 dieweil ich nun offtmals gesagt hab / ob ichs wol fürterhin nicht wider äferen /
 soll es vonn disen örtern die man nicht erwölen soll verstandenn sein. Darnach
 dieweil nicht an allen orten vil gebirg ist / sonder an einem ort nun ein berg / an
 ein anderen zwen / auch wol drey oder mehr / vnd anderswo zwischen jnen feldte
 ligendte / anderswo daran stossendte / oder mitt thälern von einander abgeteilt /
 so grebt er nicht die öde weitenn / vnd zerströuwte thäler / die ander ebne der
 landtschafft durch auß ligendte / sonder die mitt anderen bergen zusamen fal
 lendte . Ober das dieweil auch berg vonn bergen d grösse halben vnderscheidert
 werden / dz ander vnder jnen groß seindte / ander mittelmässig / andere zur grös
 se eins bühels näher gondte / dan zu eins grossen bergs / so schlecht er selten ein
 in die grossen oder kleinsten / sonder oft vnd dick in die / so vnder jnen die mittel
 mässigenn seindte . Zu lest / so die berg der gestalt halbenn ein grossenn vnder
 scheidt habendte / das ettliche vnder jnen an allen seiten mählichen flach auffstei
 gendte / herwiderumb andere an allen seiten gäch seindte / der anderen aber die ei
 ne seiten ein wenig flach / die ander gäch / andere aber in die lenge außgestrect /
 andere ein wenig eingebogen / anderē ein andere gstat geben ist / schlecht er an
 allen seiten ein / außgenommen an den gächen seiten des gebirgs. Aber er lassett
 auch dise ort nicht vngehauwen / wo sich gāng mitt artz beweisen. Wiewol aber
 so vil vnd mancherley vnderscheidt der bühell seindte / als vil in bergen vngleich
 heit / so grebt doch ein bergkman kein ande / dan die birgtächtige örter seindte /
 vñ doch eben die selbigen auch gar selten. Es ist aber kein wunder / so d bühell d
 insell Lemni gegraben wirt / dan er ist gar gilblecht / vñ mitt diser farb zeigt er
 den einwonern an / das dise erdt sehr kostlich / von dē mensche insonders heilsam
 seye. Zu gleicher weise werden auch andere rein gehauwen / nämlich wan sich ein
 ein kreide welche niemandt gesücht od ein ande art der erde erzeiget . Es seindte
 auch die thalächtige ebne vast mancherley. Eine vnd jnen hat bschlossene seitē /
 od zumal ein offnen außgang vñ eingang. Ein andere aber / derē eingang oder
 außgang offen ist / aber die andere teill alle beschlossen / welche zwey eigendtlch
 thäler mögendte genant werden. Die dritte ist allenthalben mitt bergen vmb
 fangen / welchs ein rondter thal mitt gebirg allenthalben vmbgeben genant
 wirt / darnach so hatt ein anderer thal flüfft / ein anderer aber hat der gleichen
 nichts. Zu dem / so ist auch ein ander thal weit oder äng / ein anders lannig oder
 kurz / ein anders nicht höher dan das feldte / dz zu aller nächst daran stoß / ein
 anderen ist vnderworffen ein faldtächtige ebne / ettlicher massen in die tieffe ge
 sängt. Der bergkman aber grebt nicht alle thal / die mitt bergenn vmbgeben
 seindte / auch nicht die weite / es seye dan vnder jnen ein niderigs faldte / oder ein
 reicher gang vonn metall / der auß dem gebirgt herab zu dem thal streiche. So
 nun zletst ein faldte von dem anderen disen vnderscheidt hatt / das ein anders an
 ein niderigen ort glägen / ein anders an der höhe / vñ ein anders ein breite ebne
 hatt / ein anders aber ein solche ebne / die ein wenig fürsich gehert / so grebt ein
 Bergkman nimmer ein niderigs faldte / oder ein solchs des ebne durch auß vnd
 auß gleich seye abgewegen / es seye dann etwan auff einem berg gelegenn / sonst
 grebt er andere gar selten. Was aber nun die gestalt des orts belanget / so be
 tracht der Bergkman dieweil es noch vngehauwen ist / ob viel beum darauff
 standen oder nicht. So es nun waldechtig ist / vñ andere gelegenheit darneben
 hatt / so schlecht er darumb daselbst ein / das er das holz zum gebeuw nicht weit
 hatt / item zu den heusern / zum schmelzen / vnd zum künsten auch zu anderer
 notturfft. So es aber nicht waldechtig ist / so lassett er dasselbig ort vngegrabē /
 es seye

es seye